

**GU BHPI' KAM UA'NA'N GU
PAABLO NAT TU JA UA'ÑXI GUI'
NAM TI JHGI'Ñ BUIÑOR GUCH
XOI'KAM NAM
TESALOONIKA OI'DHA'**

Gu Paablo na ba ja ñio'kdha'

¹ Aañ Paablo bii'ma'n gu Silbaano gio gu Timoteo, mu tu jam ua'ñxi'ñ ich aapi'm jiñ jaaduñ jich Xoi'kam bhaan na pim Tesaloonika dibiir bhaan jup tu'ii' na pai' mui' pa' daa'ñxim jir kikcham, bhai' na pim pai'm jumpadat daan gu Dios jich Gi'kora' gio guch Xoi'kam nar Gø'kam, na pim gu' buiñor bap tui'dhi'. Ba' gui'm pix jam a'm ti niidhidha' bii'x ji'ma'n aapi'm na pim ba'x bhai'm taatit tu oi'ñka' gammiji.

*Na ba tu aa'nda' gu Paablo nam gammiji tu
daanda' ja a'mkam*

² Aach gammiji jam ti'ñchot taxchaabgi'ñdha' gu Dios na pim xi gu'ki' na pim buiñor ti jiig'iñ guch Xoi'kam, tu jam daañxi'ñ ich na ba' cham tu' jam a'm jum aa'nda' jam i'ii'mda' bhaan gio jam tutku' bhaan. ³ Pui'ch jich aagit taxchaabgi'ñdha' gu Dios jich Gi'kora' na pimit ji'x xim biiñkadak buiñor guch Xoi'kam pu duu na jax jix aa', gio na pimit ji'x jix kiigalhdhak tu juañxi sia pui' jim tulhiñaimik, na pim gu'x io'm buiñor jix biiñak. Cham jax jum aa' pim ba' na pim pui' jim aagit na gui' pix jam palhbui'ñchu'. ⁴ Aapi'm jiñ jaaduñ jich Xoi'kam bhaan,

gu Dios xi jam joi'mdat jam a'm t̄i n̄ii'ñ. Jix maat ich nat gui' p̄ix jam a'm t̄i tiigik pui' jam duu na pim dai gui' p̄ix ba daanda'. ⁵ Na gu' na chich pai' dhuuk tu jam a'gi gux bhai'm kai'chdham ñio'ki'ñ guch Xoi'kam nax bhaai' na mi' dhir baabu' gu jaroi' na mu ja'k ka jimda' na pai' gammiji git mi' pup jum tulhiiñdha', cham tu' dai aach diilh p̄ix nach jax kai'ch, gu' ja'pji gux Dhuudu' kam jix Uañ Ii'mda' nach a'm jup tui'dhi' nat jich guguux na chich ba'x gi'm jix oo' ki'n pu jam tii'n na maaxik jir silhkam pui' na jax jum kai'ch. Gaa chich nach jax ja'k tu Jimia' jam bui na pim ba'ch chiigii pui' ja'k jup ba tu Jimda' jai' ja bui. Jix bhai'x maat japim dho na chich pui'ch dhuu.

⁶ Ba' na pimit jax ja'k jich chiigik nach tui'dhi', pui' ja'k jup ji chu jii pimit, na gu' pui' ja'k jix aa' guch Xoi'kam. Cham jax ji chi'ik joidham jix bhai'm taatit kai pimit gux bhai'm kai'chdham ñi'ook na bhaan tu a'ga guch Xoi'kam, na gu' gux Dhuudu' kam jix Uañ Ii'mda' na pui' jam jurtu'n, sia ku pimit gu' mi' dhir giilhim bam tulhii. ⁷ Ba' aapi'm jir ja booi'chu' biix guch Xoi'kam jiigi'ñdham gui' nam Masedoonia dibiir bhaan oi'dha' gio gui' nam Akaaya dibiir bhaan jup oi'dha', nam gu' mi' pui'p ba tu daa'ñchu' nam jax ji che' keeket na pim tu jim. ⁸ Ba' cham tu' dai Masedoonia gio Akaaya nam pui' te' kee na pim jax ja'k tu jim, gu' ja'pji sia jai' kap mui' kap nam pai' jax cham ti jiigi'ñ buiñor guch Xoi'kam, bax maat am na pim buiñor jix biiñak gu Dios. Ba' aach cham tu'ch a'm kam aa' nach jax kai'chdha', ⁹ ja'kbui' kat diilh pui' tu a'ga am na chich aach pu chu'm tu jam a'gi bha ja'p ji jam paxiarak. Sia pui' tu a'ga am na

pimit joidham jix bhai'ch aich cham jax ji chi'iik. Biix pui'p xi kai'ch am na pimit cham tu' kap jum buix ja bui gu didios nar jup ja duiñ gu ja'tkam, dai gu silhkam Dios duakam japimit bhaan ba jujurti, dai gui' pim pix bar tujuandam tugi'ñ. ¹⁰ Gio nam pui'p xi kai'ch na pim jax ja'k tu't nïra na gio bhai'p jimda' guch Xoi'kam, Mara'a'n gu Dios, nat Dios pix diihl dua'ñdhak mi' dhîr buusai' koi'ñga'n tir. Gu Jesuus jir di' nach palhbui'ñ nach ba' cham jich chulhiiña' na cham xiim jum aaya' nam jix io'm jum tulhiiña' gui' nam cham mi' pui' jimia' na jax jix aa'.

2

Naba tu aa'nda' gu Paablo nat jax ja'k tu jii ja bai

¹ Aapi'm jix maat jiñ jaaduñ jich Xoi'kam bhaan na chich cham tu' tu' kub pix tu a'ga gux bhai'm kai'chdham ñio'ki'ñ gu Dios jan'o' nach bha ja'p tu jam a'gidhim, ² sia kuch gu' biipi' dir jup xich chulhiiñaimik bhammi Piliipos na pim jax jup bax maat. Giilhim jamit biix aixim jich chitdaimik jich gibii mik, gu' ji nat gu' gu Dios jich palhbui nach ba' aapi'm jup jam aagi'ñdha' gux bhai'm kai'chdham ñi'ook na bhaan tu a'ga na jax ja'k jix bhai' na pim duñia', na pim ba' cham mu ja'k ka jiimda' na pim pai' gammiji git mi' pup jum tulhiiñdha'. Cham jax jich aagik jachich tu jam a'gi sia kum mui' dhît tiich o'bhagi'ñ nam cham jich kiigalhdhat. ³ Nach gu' aach maaxik jix maat nach mi' pui' tu a'gim na jax jir silhkam, cham tu'r gama ja'k. Ni kuch cham iam maakam ja iatgidhat gu ja'tkam tu' mi' tiigim na ba' aach diihl jich a'm ji chu bi'iidha'. ⁴ Jax

dhui na gu' gu Dios pux maatit jich ñii'ñ nach jax jir tuutu'm. Jix kikii' ja'tkam jich chiīgik pu chu'm ki'n jich dharai nach nai' tu a'ga' gu ñio'ki'ñ na bhaan tu a'ga nam jax ja'k duñia' gu ja'tkam, nam ba' cham mu ja'k ka bhiiya' nam pai' gammiji mi' pup jum tulhiiñdha'. Dai ba' pu'ñi pix jach tu a'gim, cham tu' jumai tu' pup kui'mgi'ñ ich, ni ku chich cham aa ip nam pix jix bhai'm taatit joidham jich aa'nda' gu ja'tkam, nach gu' aach jix aa' na dai gu Dios jix bhai'm taat ka' aach jich bui, gui' nax bhai'x maat nach jax jich aa' jich jujur am bhaan.

⁵ Gio cham pai' dhuuk mu pai' giilhim biix aixim xi bua ich nach tu jam a'gi'ñ na pim jax ja'k joidham jich keeji pix jix bhai'ch aa'nda' git, jix maat japim dho. Ni ku chich cham pai' dhuuk mu pai' bixchu' bhaan tu a'gimik ma'iich gu tuumiñ. Jix bhai'x maat sia gu Dios na chich cham tu' pui' tu jii.

⁶ Pu cham jich ko'raaro gu' na jaroi' ge'gerkam jich bia'kat pix jix bhai'ch aa'nda', ni jaroi' dho moo, ni aapi'm. ⁷ Jix bhaigit ip dho nach pui' ja'k tu Jimia' na jax gu ge'gerkam, nach gu' bhaankam tu a'ga guch Xoi'kam nach jir noonbi'ñ. Gu' ji na chich gu' ja'p pix tu jii jam bui na jax gu a'aalh, gio ja'p na jax maa'n gu ubii nax ja da'dat jix bhai' ja buada' gu maamra'n. ⁸ Pu'ñich jup jam ilhii'ñ aach na pim panaas jir jich maamar. Joidham xi jam da'dat xi jam joi'gi'ñ ich, cham tu' na chich dai gu ñio'ki'ñ gu Dios pix xi chu jam a'gidhak, gu' ja'pji sia guch i'ii'mda' na jam a'm jup tu'ii!. ⁹ Joidham tu' silhkam ki'n xi jam da' ich gu'! ⁹ Jiñ jaaduñ jich Xoi'kam bhaan, sia ti'ñcho pim dho chi nach jix io'm tu juanaimik nach ba' mai'chikda' gu tu' nach a'm jum aa'nda'. Tu juanda' ich nabap tanoolh

gio nabap tukaa', nach gu'x mat ka' nax xijai ka'
aapi'm jam bui na pim tu'ki'n jich xiispa' nach bha
ja'p tu jam a'gi'ñ gux bhai'm kai'chdham ñio'ki'ñ
gu Dios.

¹⁰ Aapi'm dhox bhai'x maat gam sia gu Dios
na chich mi' pui' tu jii na pimit jax ja'k joid-
ham jix kikii' ja'tkam jich chii. Jix bhai' niiidhix
kam jachich pu tu duu jam bui aapi'm na pim
ti jiigil'ñ buiñor guch Xoi'kam. ¹¹ Gam na chich
jam gu'nguxdhimik na pim jax bax maat ip,
jam aa'ñdhimik ich biix ji'ma'n na pim jax ja'k
tui'ñgida', ja'p na jax maa'n gu maa'nkam no' tu
ja aagi'ñ gu maamra'n. ¹² Jup xi jam tiidak jachich
na pim pui' ja'k duña' na jax ja'k bhaan jix maati'
ka' na pim Dios bar ja'tkam tugi'ñ, na gu' aapi'm
bar dhi' na pim ba iimchudhix na pim buiñor aaya'
na pai' dhir jix io'm jir ge'kam na joidham jix chu
abhaar.

¹³ Pui'ch yup taxchaabgi'ñ gammiji' gu Dios na
pimit cham jax ji chi'iiik kqek mi' pui' jii na jax jum
kai'ch gux bhai'm kai'chdham ñio'ki'ñ na chich tu
jam a'gi. Ti ji'ñi japimit na maaxik Dios jir ñio'ki'ñ,
cham tu' gu ja'tkam. Na gu' maaxik Dios bhaan tu
a'ga gux bhai'm kai'chdham ñi'ook nach bhaan tu
a'ga. Aapi'm jam a'm jix maati' na tu'p jir tu'm da'
na pim ji'k dhi' bhaan ti jiigil'ñ. ¹⁴ Aapi'm jiñ jaaduñ
jich Xoi'kam bhaan, janon' na mit gu bhai' kam
ja'tkam jam tulhiiñchuda sia ku pim tii bhai' maap
oi'dha' bhaan gu dibiir, pu'ñip tu ja dooda guch
jaaduñ Judea kam nam pui'p ti jiigil'ñ buiñor guch
Xoi'kam nam tii mi ja'p maap jum jumpadat yup
tu daanda'. Gu mi' kam ja'tkam nam yup ja bua,
jir Judea kam am ip pui', gu' ji nam gu' gui' cham

ti jiīgi'ñdha' buiñor guch Xoi'kam. ¹⁵ Dhi Judea kam ja'tkam jir dhi' am na mit mua gu Ge'kam jich Xoi'kam, pui'x maat am gu' na mit mui' ba ja koi gui' nam bhaankam tii tu a'gada' gu Dios. Sia aach mi' dhir mai' bach aadi mit. Ni ji'x ba' kum xim ga'ngada' no'x bhai'm taat gu Dios ja bui ka' ba' cham. Giox bhaak ka' am tu' na pīx ki'n, ¹⁶ na gu' no'ch tii xix chu ja a'gidham gui' nam cham jir Israel kam ja'tkam nam ba' cham jup jum tulhiiña', gui' cham aa'nda' am nach gan tu ja a'gi'ñdha'. Pu'ñi dhuuk jamit ba' bam ua'tulh ja'p ge'kam ki'n, ba suuda' ja i'ii'mda' bhaan. Ba' dai na cham xiim jix io'm ja tulhiiñchuda' cham ja joi'mdat gu Dios.

Gu Paablo na tii giop jix ja tī'mpo' ka'

¹⁷ Jiñ jaaduñ jich Xoi'kam bhaan, aach gammiji jam ti'ñcho biix jich jujur ki'n, sia kuch gu' mīk cham pai' ka jam ni'iñ maaxik. Tiich jich ga'ngada' nach jax dhui mu jam tī'mpo' git ip gio. ¹⁸ Maa'nnim jachich tii mui' ma ji jam tiigim, aañi' Paablo tii mui'kim ji tu dai nach mu jam tī'mpo' git, gu' ji na gu' gu ja'ook mi' gaim titka. ¹⁹ Na gu' aapi'm ba'r di' nach ji jam niidhat jich gu'nguxi'ñ nach jix bhai'ch chaat. Jix bhai' tu tatda' ka' nach xi jam ti'ñchoka', na gu' janø' na pai' dhuuk gio bhai'p Jimda' guch Xoi'kam, aapi'm pīx jir di' ka' na pim biipi'ch chuttu'. ²⁰ Pui'kuñ ba'p kai'ch nach aapi'm ji jam niidhat jix bhai'ch chaat, cham tu' bhaan jax jich aa' ich ba'.

3

¹ Ba' nañ gu' cham nakgaim nañ jix maachim

na pim jax tu'ii', pui' ma tii ñich nañ aañ mi' pix ka oirida' Ateenas, ² gu Timoteo ñich ba' miji xi joot nañ a'mkam mu jam tii'mira' na pui'p jir jich jaduuñ jich Xoi'kam bhaan, gio na pui' bhaankam yup tu juan gu Dios, na tu a'ga gux bhai'm kai'chdham ñi'ook na bhaan tu a'ga guch Xoi'kam. Jup xi chiidak jañich na bhammi jam guguuxdha' na pim ba' mi' pui' tu daa'ñchugit ti jiigil'ñdha' dhi' na pimit tu' ba maat nar joidham. ³ Gio na pim ba' biix cham jum o'jolhdhat xi gukgida' sia pui' biix aixim bhaan jim tulhiiñaidhat, na gu' dhi'm aa' nach pu'ñi biix aixim jich chulhiiña' na pim jax bax maat. ⁴ Pu jam aagi'ñ ich jano' nach bhammi xip tu't jam bui na pu'ñi biixchu' bhaan bhai' jim tulhiiña' pim ip aapi'm na pimit ba ti ji'ñ buiñor guch Xoi'kam, ba' pui'p ji chu buus. Ti'ñcho pim dho chi nach pui' jam titda. ⁵ Pu'jani nañ jiñ aagit ba' cham nakgaim nañ jix maachim na pim jax tui'dhi'. Pui' ku ñich ba' miji tu joot nam jam tikka' no' pim pui mi' pui' tu daa'ñchu' na pimit tu' maatik ti ji'ñ jano' na chich bhammi tu jam a'gi. Nañ gu'x choo'nnit jam ti'ñchoka' tii no't jax dhuuk tu' bhaan ji jam mai'chik gu ja'ook mu ja'k jam iabu ip gio ua'tulhdhara' tir, nañ gu' cham aa' nar tu' kub ka' guch magooñi' na chich bhammi ja'p ba bhiñ.

⁶ Ba' xib bhammi dir ja'k ba gii gu Timoteo Tesaloonika na pim pai' oi'dha', joidham jix chu guguuxdham kai'chim. Mi' pui' tu daa'ñchugit jix biiñak japim sap na pimit tu' tu maat, jix chu joi'gi'n japim sap sia tu' na pix bhaan ki'n. Sia aach japim sap tii'ch chi'ñchoka', xich chiiçik ka' pim sap tii' maaxik ja'p na jax aach ya' dir mu

ja'k nach pui' tii joidham yup xi jam tiigik. ⁷ Ba' dhi' bhaan aapi'm jiñ jaaduñ jich Xoi'kam bhaan, gø'kam ki'n jachich jix bhai'ch ilh nam pui' bach chitda na pim mi' pui' jiimit jix biiñak buiñor guch Xoi'kam, sia kuch gu' aach biix aixim bhaan jich chulhiiñ. ⁸ Panaas ku chich mi' pai' dhir kia'pix bhai' ji dhudua ko'iix kat nam pui' bach chitda na pim mi' pui' jiim na jax jix aa' gu Gø'kam jich Xoi'kam. ⁹ Cham bhaai' dho nach jax pik ja'k moox bhai'ch chaatit xi taxchaabgi'ñdha' git gu Dios na pim mi' pui' tui'dhi' na jax jix aa', ¹⁰ dai nach soi' titdatu' nabap tanoolh gio nabap tukaa' na iam puti'ya' nach mu Jimia' nach ba' maaxik jam tigia' ip gio, gio nach ba'x io'm jix bhai' xi jam aagi'ñdha' na jax ja'k tu tu'ii' dhi' nach jax ja'k tu Jim na pim ba' cham tu' bhaan jax Jim aagi' jix bhai' bhaan ti jiig'iñdha'.

¹¹ Jix aa' ich tii na git gu Dios jich Gi'kora' gio gu Jesuus jich Gø'kam tuk jich palhbuidha' nach jax dhui mu Jimia' nach jam tii'mpo'. ¹² Gio ba' na gui' pix Dios jam maakidha' matda' na pim jax ja'k jix io'm maachidha' na pim xim jajoi'gi'nda' biix ji'ma'n, ja'p na jax aach nach xi jam joi'mdat tii jam ti'ñcho. ¹³ Gio gu Dios pix git ip ba' moo pui' ja'k duiñchu'nda' gu jam jujur na pim jax ja'k mi' pui' jiimda' na jax jix aa', na pim jix u'uañ yup tui'ñgida', na ni jax chu'm ua'tulhdhara' ku jam tii'ñxidha' gu Dios jich Gi'kora' jan' na pai' dhuuk gio bhai'p Jim gu Jesuus jich Gø'kam tuk ja bii'm bii'x gui' nam ji'k buiñor jum biiñkada'. Moo git pui' tu tui'ka'.

4

*Na ba ja aagi'ñdha' gu Paablo nam jax ja'k tu
jiimda'*

¹ Ba' xib aapi'm jiñ jaaduñ jich Xoi'kam bhaan, soi'ñ jam títida bhaankam gu Jesuus jich Gø'kam tuk na pim gammijí mi' pui' jiimda' na chich jax jam aa'ñdhak na pim duiñchu'nda' na ba'x bhai'm taat ka' gu Dios jam bui, pui' na pim jax ja'k ba duiñchu' xib.

² Jix bhai'x maat japim gu' na jax ja'k jum aa' na pim duñia', na chich gu' xi jam aa'ñdhak bhaankam guch Xoi'kam gui' nax io'm jir gø'kam.

³ Dai pui' pix ja'k jix aa' gu' gu Dios na pim jix u'uañ yup tui'ka' gui' buiñor gammiji. Cha'pim nai' pix ja biñm boppoda' gu u'uub no'm cham jir jam bipna', ⁴ daipu' ji gui' nam jir jam bipna' ka' na pim jix ja da'dat. Tu' ka'm japim ja nii'ñdha', cham tu' na pim jax ña pim pix ja alhiosda' na jax cham jir am. ⁵ Ni ku pim cham biñx aixim jix buam jum aagit ja nii'ñdha' ja'p nam jax ja'k tu jim gui' nam cham maat gu ñio'ki'ñ gu Dios.

⁶ Ni ku pim cham jix joidhat nii'ñdha' gu jax chu'm jich Xoi'kam jiigi'ñdham gu binga'n, ni jaroi' jax chu'm jumai. No' jax dhuukat jaroi' pui' ja'k tu jim, Dios dhox io'm tulhiiñchuda' cham joi'mundai, nach gu' tii pu ba jam aagi'ñdha'. ⁷ Nat gu' gu Dios pu kai'ñkam jich a'm ti tii nach ba' mi' pui' ba jiimda' na jax jix aa', nach jix u'uañ yup tui'ka' gui' buiñor, cham tu' nach biñx aixim tu buada' na tu' cham jir kii'. ⁸ Pu'jani nax abhaaruix. Gu jaroi' na tu' pix iłhii'ñdha' dhi' nañ ji'k jax kai'ch na jax jim aagit na maa'nkam yup jir dunii'ñ, cham tu' gu

jax chu'm maa'nkam na cham kiigalhi'ñdha', gu' ja'pji gu Dios nat jam a'm tajaa gux Dhuudu' kam jix Uañ Li'mda'.

9 Ba' na pim jax ja'k xim jajoi'mdat jix bhai'm buada' diilh daich Xoi'kam jiigi'ñdham, cham jum aa' nañ pui' ja'k tu jam ua'ñi'ñdha' bhaan dhi u'uan, nat gu' diilh gu Dios ba jam aa'ñ na pim jax ja'k xim jajoi'gi'nda' biix ji'ma'n. **10** Pui' ja'k tu jim japim sap gu' ja bui guch Xoi'kam jiigi'ñdham biix gui' nam ji'k Masedoonia dibiir bhaan oi'dha', ku gu' aach jam aagi'ñ ji soi'ch ilhdhat na pim jix io'm xim gi'lhdhidha' na pim xim jajoi'gi'nda'. **11** Ba' dai dhi' bhaan japim yup jum tukgi'ñka' gu tu'x bhai'm duukam na pim yup tu buada', cham tu' na pim biix aixim jum aa'nda' gu tu' na cham jum aa'. Diilh jam boorda' ki'n japim tu bia'ka' gu tu', na chich jax pui' pu xi jam tiidak moo ba pui', **12** nam ba' pu'ñi ja'k pix jix bhai' jam aa'nda' gui' nam cham ti jiigi'ñ buiñor guch Xoi'kam, gio na ba' cham tu' jam a'm jum aa'nda' aapi'm diilh.

*Na ba tu aa'nda' gu Paablo na jax ja'k gio bhai'p
jim guch Xoi'kam*

13 Jiñ jaaduñ jich Xoi'kam bhaan, xi jam aagi'ñdha'ch ip nam jax jum duñiim jai' dhit nam ko'iim ja tutku' bhaan guch Xoi'kam jiigi'ñdham, nach gu'x aa' na pim jix mat ka' na pim ba' cham bhaan jix buam jum aa'nda' ja'p na jax gui' nam pu cham maat ni ji'x nam jax jum duña' nam pai' dhuuk ko'ya'. **14** Pui' nach jax ti jiigi'ñ xib nat muukik giop dua guch Xoi'kam, pu'ñip ti jiigi'ñ ich na gu Dios pix diihl ja dudua'ñdhai ja baapmi'ñdha'

nam jimia' buiñor guch Xoi'kam ji'k nam buiñor ti jii'ñdhai ko'ya'.

¹⁵ Ja'pni ja'k tu tu'ii' na pim ba'x mat ka', guch Xoi'kam jich Gø'kam tuk pīx ya'ch aagi'ñ dhi'. Aach nach ji'k duduaka' tutku' bhaan jano' na pai' dhuuk gio bhai'p jimda' guch Xoi'kam, cham tu'ch bīpī kat baasi'n namkia'. ¹⁶ Na gu' jano' na pai' dhuuk jum aaya' gu tanoolh, bhammi dir pui' ba tim ti'ya'x gi'm ki'n gio gø' ki'n. Sia gu ja gø'kam tuk bīx gu noonbi'ñ gu Dios gø' ki'n pui'p ba ti'ya', gio gu Dios gu kuichdhakaru'n bam kuichdha'. Ba' guch Xoi'kam nar Gø'kam bhammi dir bhai' ji jimia' jix dhaam, ba' gui' nam ji'k buiñor ti jii'ñdhai ko'iix ka', bīpī duduadii bhai' ji baapmigia' am. ¹⁷ Ba' gui' nach ji'k duduaka' nach pui'p ti jii'gi'ñdha' buiñor, maap jach bhai' ba bhīya' nach ba namkipu' bhammi tibaa'ñ cha'm gui' na bhaan bha jimda', gammijich ba' buiñor pu bap tui'ka' guch Xoi'kam. ¹⁸ Pu'ñi pim xi kai'chit bīx ji'ma'n cham jax jum aagit mi' pui' xi jiimda' na jax jix aa' guch Xoi'kam.

5

¹ Ba' na jax ja'k ba tum buidha', piam na tu' tanoolh ba' pīk gio bhai'p jimda' guch Xoi'kam, cham jum aa'ñ jaaduñ nañ pu chu'm ya'p jam aagi'ñdha', ² na pim gu' bax maat na guch Xoi'kam gio bhai'p jim na cham jaroi' pum aa'nda'. Ya' pīx ba aaya' ja'p na jax maa'n gux ixkum na mu pai' aaya' ba'k chir jax ña pīx chu'm tukaa'. ³ Nam pai' dhuuk gu ja'tkam jup kai'chdha': "Ja'p moo joidham cham tu' jax jum bua xib, joidham jix bhai' tuch jim", ba' jotmoda' cham jum ilhdham

pix ja daam ba Jimia' gux buam jum duukam, ja'p
 tu ja dooda' na jax maa'n gu ubii na bax chiigim
 ka' gu alhii nax io'm jo'i'mdam jum buada'. Pu
 cham bhaai'n ka' nam jax dhuim palhbuidha'.
⁴ Ba' aapi'm jiñ jaaduñ cham tu'x chukgam tir kap
 tu'ii', ba' cham tu' totdoñia' pim na pai' dhuuk
 ya' pix ba kika' guch Xoi'kam ja'p na maa'n gux
 ixkum. ⁵ Jix chu maax kir bap tui'dhi' pim, tanoor
 joidham na pim pai' jax oipo, pu cham ji'x jich
 a'm jup tu'ii' gux chukgam. ⁶ Pui' ku ba' aach
 cham jich a'm jum aa' nach mu pai' kookos ka'
 ja'p nam jax tu'ii' gui' nam cham ti jiigi'ñ buiñor
 guch Xoi'kam, gu' ja'pji nach ti nii'ñdha', joidham
 jach jix bhai'ch jur bia' kam jup tui'ka'. ⁷ Na gu'
 gui' nam kookos ka', tukaa' buujidha' am kum ba'
 kookos ka', gio gui' nam jix maik ka', pui' tukaa'
 buujidha' am ip kum ba'x maik ka'. ⁸ Gu' matgim
 aach nach ji'k jix chu maax kir bap tui'dhi', jum aa'
 ji nach gammiji pix jich chitii'ñcho kam jix bhai'ch
 jujur bia' kam oipoda', gio nach jix bhai' bhaan
 jix biiñak kat tu' silhkam bhaan ti jiigi'ñdha' pui'
 nach jax ja'k tu jim. Xich jajoi'mdat ich tu' silhkam
 ki'n, gam nach tu' silhkam ki'n ti jiigi'ñdha' nach
 cham tu' mu ja'k ka jiim nach pai' gammiji git
 mi' pup jich chulhiiñdha'. Dhi'ch ba' bhaan jich
 palhbui'ñchu'nda' sia tu' na pix ki'n. ⁹ Na gu' gu
 Dios cham tu' mi' ja'k ka tich nii'ñchu'n nach pai'
 gammiji git mi' pup jich chulhiiñdha', gu' ja'pji
 bhaankam guch Xoi'kam nar Gø'kam mi' dhir jich
 boosgak maakam ja'k jich chuttu nach pai' ja'k
 cham kach chulhiiñña!. ¹⁰ Nat gu' guch Xoi'kam jich
 a'mkam muu, ba' cham jax bua sia kuch jai' dhit
 dudua tutku' bhaan piäm ku mit jai' dhit ba koi,

pui' pix maap buiñor jup oi'ñcha' ich gu' gatuuk.
 11 Pui' ku pim ba' cham jax jum aagit dhi' bhaan
 xim gu'nguxdhat mi' pui' xi jiimda' na jax jix aa'
 guch Xoi'kam, pui' na pim jax ja'k pu ba tui'dhi'
 xib.

*Na ba ja aagi'ñdha' gu Paablo nam jax ja'k
 tui'ñgida'*

12 Jiñ jaaduñ jich Xoi'kam bhaan, jam aagi'ñ
 ich ip soi'ch ilhdhat na pim siamri tu' ka'm xi ja
 niidhat gui' nam mi' tu juan jam bui bhaankam
 guch Xoi'kam, sia gui' nam tu jam aagi'ñ na pim
 jax ja'k tui'ñgida' na pim mi' pui' jiimda' na jax jix
 aa' gu Gø'kam jich Xoi'kam. 13 Jum aa' na pim jix
 ja joi'mdat ja niidhat jix bhai' ja buada', na gu'r jix
 bhai'm duukam pui' nam ji'k tu' jax bua. Joidham
 japim jix bhai' kai'chit tu oi'ñka' ip biix ji'ma'n.

14 Ja'p jach jup xi jam tiidam jiñ jaaduñ jich
 Xoi'kam bhaan, gui' nam cham tu juanak ka', xi ja
 aagi'ñdha' pim na ja a'm jum aa' nam tu juanda'.
 Xi ja guguuxdhat japim ip gui' nam jix buam jum
 aa'nda' tu' na pix ki'n. Gio gui' nam cham maat
 nam jax pik ja'k mi' pui' jiimda' na jax jix aa' gu
 Dios, xi ja aagi'ñdha' pim. Jir jix bhabhai'kam ka'
 pim sia jaroi' na pix buiñor.

15 Cha'pim ja'k buppi'ñdha' gu jaroi' no't jax jam
 alhio, siat chi moo jax jix buam jam alhio. Ja'kbui'
 kat ji na pim jix bhai' buada' sia jaroi' na pix, sia
 ku cham ti jiigi'ñ buiñor guch Xoi'kam.

16 Gammiji pim jix bhai'm taatit tu oi'ñka', cham
 tu' na pim jix buam jum aa'nda' tu' na pix ki'n.

17 Tu daanda' pim gammiji. 18 Taxchaabgi'ñdha'
 pim gu Dios sia biix aixim bhaan jax ña tu jam

jimda', na gu' pu'ñi ja'k jix aa' gu Dios na pim taxchaabgi'ñdha' aapi'm na pim ba ti jiig'iñ buiñor guch Xoi'kam.

¹⁹ Cha'pim tussada' gux Dhuudu' kam jix Uañ Ii'mda' na jam a'm miim. ²⁰ No' maadit tu a'ga gu tu' nar jix bhai'm duukam, no' aapi'm jix maat na Dios pui' ja'k jurtu'n, tu' ka'm japim xi chiiigi mi' pui' xi jimii na jax kai'chdha'. ²¹ Biix aixim jax ña tum a'gada' piam gu tu' na jax jum buada', xim ga'ngada' pim dhi' bhaan no' moor jix kiip' jum duukam piam ku gu' cham. Dai gu tu' nar jix kiip' jum duukam japim bi'aidha' jam jujur am, ²² gux buam jum duukam japim ba' ja'p xi dhuñiidhat, na gu' biix aixim tu'm jix jai'ch.

²³ Ba' gu Dios na buiñor jix bhai' tu tatda' pix yup tu duñia' na pim jax dhuix io'm jix u'uañ bap tui'ñgida' gui' buiñor, gio na jam a'm ti niidhidha' na ba' cham jax chu'm jix buam jum duukam jam daam Jimia', sia jam i'ii'mda' bhaan, sia na pim jax ja'k jum aa'nda', sia jam tutku' bhaan, na ba' cham tu'x buam jum duukam jam tui'ñxidha' gu Ge'kam jich Xoi'kam jan'o' na gio bhai'p jim. ²⁴ Siłhkam yup kai'chdha' gu' guch Xoi'kam jax no't ba tii, gui' nat jam a'm ti tii na pim buiñor yup tui'ñgida', cham tu' na pui' pix xi chi'ji. Pui' ba' ji chu buusnia' nat jax xi chi'ik.

Na baya tabuimgidha' gu Paablo

²⁵ Jiñ jaaduñ jich Xoi'kam bhaan, jich a'mkam japim tu daanda' gammiji.

²⁶ Biix japim xim a'aa'ñdha' nach xi jam joi'mdat mu jam ñio'ki'ñ bhaan dhi u'uan.

²⁷ Ba' bhaankam jañ pui'p jam títda gu Gé'kam
jich Xoi'kam na pim biix xim jijiñkuixdha' dhi u'uan
na pim ji'k buiñor ti jiigigi'ñ.

²⁸ Ba' gu Gé'kam jich Xoi'kam piix jam a'm ti
niidhidha' gammijí biix ji'ma'n aapi'm.

Gu ñio'ki'ñ gu Dios na bhaan tu a'ga guch xoi'kam

New Testament in Tepehuan, Southeastern (MX:stp:Tepehuan, Southeastern)

copyright © 2007 Wycliffe Bible Translators, Inc.

Language: Tepehuan, Southeastern

Translation by: Wycliffe Bible Translators, Inc.

Tepehuán del sureste [stp], Mexico

Copyright Information

© 2007, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Southeastern

© 2007, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

PDF generated using Haiola and XeLaTeX on 11 Nov 2022 from source files
dated 29 Jan 2022
0f8d31b9-5dd5-5a02-bb46-c2fd0a544e81